

經部

安定四庫

詳校官左都御史臣李 綬

侍讀臣孫球覆勘

覆校官主事臣李 校對官中書臣牛稔文

腾録監生 臣任應銑

駿

雲間績學衆傳諸經說方成又說書一利不容有二佛 御 此 製題此木軒四書說 言果可說書級 無可節取閱及孟子以予觀於夫子章謂孔子不将 按表意書說論者謂其較所作經說為優其中固不 書苟未斯滅亦不得生如孔子其人益猶 有二佛也意在推崇孔子而擬不於倫尊之固如是 春秋之世不容有二從是以後更數千歲六經四子 一刹不容

とこうら シュー


·此木軒四書說

乎且以釋氏語闌入儒書尤非説書之體昔昌祭謂 前揚大醇而小疵余謂表熹此書乃小醇而大疵耳

人已日月 白馬 欽定四庫全書 此木軒四書說 提要 國朝焦表熹撰據其子以敬以恕所作凡例表 經說多可取其中强傅古義者如大學章句 編者十之四故與所作經說偶有重複然較 **熹手定者十之六以敬等掇拾殘稿補綴成** 臣等謹案此木軒四書說九卷 此木軒四書説 經部 四書期

金月四月石書 堂位天子振木鐸謂夫子當有天下達巷堂 **秦雖不免賢智之過然其他皆疏理簡明引** 能救自是匡救乃引周禮司救註解為防禁 察中庸如鼓瑟琴即本詩亦但言聲和耳乃 天将以夫子為木鐸自取覺世之義乃引明 中常目在之自為所在之在乃從尚書訓為 人本無名氏乃因史記有童子二字指為項 以為琴屬陽瑟屬陰喻陰陽之和論語女弗

火七日年全書 1 志不近名宜其言之篤實矣乾隆四十二年 有當于人心自明以來講四書者多為時文 心師陸龍其終身不名不字而不走其門盖 而設東真是書獨能深求于學問原序稱其 據典確問與章句集註小有出入要能釐然 八月恭校上 此木軒四書説 總 總暴官紀的臣陸錫熊臣孫士毅 校 官 臣 陸 費



也先生於書無所不窺而尤致力於六經四子目之所 者受而讀之既卒業作而數曰是又繼陸清獻而起者 君以庶常出宰洪洞呈是書求為之序余固素知先生 四書說九卷雲間焦先生之所著也乾隆癸亥先生長 此木軒四書說原序 遊心之所觸不苟同不苟具有所見則筆之積年既多 遂成卷帙觀其所論天人義命之間是非疑似之際直

截簡淨決不可以經毫借蓋真得程朱之心印而出之

此本軒四書說

欠已日東主

若不經意知先生之於道演矣是固當與清獻之松陽 清獻而不走其門終其身不名不字也孝於親友於兄 講義並傳而或以坊肆講章徒資舉業者同類而等視 ·茅篤於夫婦朋友遇人無愚智必以誠不為一切世俗 知之也給先生幼而皆學弱冠即有志聖賢之事心師 之則大過也余家毘陵去雲間五百里而近聞之也詳故 夫賈豎狡黠碩悍之徒見先生則無有不獻其忱而息 文飾語以是自其鄉之賢士大夫以至於婦人孺子販

Les units to the less to the l 者即是學者如余直足以定先生特恐後生未學讀其 九十而先生又寡兄弟故寧以廣我身馬迫兩太夫人 傳義亦有微與程朱異者而大音所歸則惟程朱是奉 其許者嗚呼自非有道之士何以得此於人耶所說經 書而不悉其人則是書亦不能讀也故并具簡端以告 張少宗伯之稱先生也曰謂之君子即是君子謂之學 即世而先生亦已老矣終身献畝泊如也余當聞桐城 其於經世之學 靡不講究特以祖母母兩太夫人毒皆

此本軒四書記

浦先生乾隆八年歲次癸亥冬月武進劉於義序 聖祖仁皇帝時當奉 夫世之讀是書者先生姓焦氏諱 兔牙四尾石膏 召以侍親不能出居金山縣黃浦之南故學者稱為南 丙子賢書 耿


欠已日車在店 先君子心如海水有觸斯動有見則書故之所録有 先君子自康熙己已志弘聖學大指見刻陸清獻公 先君子四書說手録成帙者什之六其什之四或在 自康熙辛已迄於己夘從手銀本以為據也 稿序及所著述志賦中當時已有論撰今之所輯斷 他書或在散紙今並鈔入成九卷 意而再三言之者固以非一時所書故今以叠見 此木軒四書說

問有與集註小異或集註未有明文而與今刻文異 舊朋友云云周禮疏四月正雩云云之類蓋博引經 間有但引彼文未自下語如周禮以賓射之禮親故 業試場或不必依用耳 代君子折衷馬 解者皆載于篇廣異聞求的義固學者之事也唯舉 則意益明顯故惟全同則刪小異則並存之以俟當 籍以為佐證則意自明也故並鈔入

是編據先君子手定纂銀而決疑辨誤多有在時文 跋語者嗣當搜輯續刊以補未及 此本軒四書説

てこう かんけう

· 金月四月 白言	凡例	



舍人曰在見物之察也在為察義大學註常目在之謂 金牙四尾有量 如兩目專注此物不暫去也 至善即不成為明新故兩章皆有至善之義無所不用 不相參錯也明德引堯典即是明明德之止至善而無 康誥盤銘兩章雖是分釋明新然未嘗截然自為疆界 其極猶言無所不極其至爾非以其極為一物而君子 不用其極則又無自新新民言之益明新而不止於 湯之盤銘曰章

用之也 之極而君子用之也然其誤已久矣雖歸熙甫鉅儒猶 無所不用其極六字連説語意自明非以至善為皇極 故者慎之情深故加是也按故與是故隨文言之似者 孔穎達解禮記是故君子慎其獨也云前云故此云是 不免亦可怪也 無別而先儒訓義如此可謂精矣 たこう言います 詩云邦畿千里章 此木軒四書說

金好四周分言 盡而不能求至善所在而止之是棄其所以貴於物謂 若人為萬物之靈充其性之智何理不可窮何事不可 於如此乃為止於至善而無異於聖人之止矣非以武 鳥之為物至微所知本有限但知止丘隅即無復可責 當以否大學未嘗及之 引此詩取其如切如磋數言而釋之以明明明德者至 公繼文王欲人學武公之止至善也盛德至善武公足 >情然無知可矣曰不如鳥者實不如鳥也

於戲讀如嗚呼亦有讀戲為嘻者見温公法言註

子曰聽訟章

即聽訟之一事而推論所以使無訟者非上之人有以 而特建此一章也夫子使民無訟通乎大小無情者不 大畏之不可則明德新民相為本末未有已德不明而 能新其民者斷可識矣非以刑措不用為新民之極功

得盡其辭豈便為王者言之乎

尺こう 日 ここう 一 此大軒四書説 本即經文物有本末之本字知即知所先後之知字也

總由不能誠以致如此 金炭四月全書 用二十分此亦用二十分若欠毫釐便不得謂之如也 如惡惡臭如好好色兩如字是如數之如彼之好惡必 而著其善為不善者是一個人要擀著者又是一個人 何謂自欺心中有兩個人相似便是自欺如揜其不善 有謂夫子知本者似不了 非如似之如也 所謂誠其意者章

戒者良由一星之焰或能燎原一蟻之穴殆將湯嶽勿 尾勸戒昭然作嗤笑會者失之遠矣 謹耳大傳之言豈是自命賢聖嗤笑小人是蓋春氷虎 揜著之小人自君子視之懸隔若天壤然而重以此為 虚不可謂之如便不能自慊也 謂胡傷其禍方長彼之至於斯極者其初但細微之不 好好色必十分若惡惡好善有八九分實中有一二分

兩如字謂如其分數也與如殺人之罪如字同惡惡皇

大臣可与 江西

此木軒四書説

金月口屋石雪 敗壞之小人而後知戒則亦已疎矣故此節引曾子言 此君子重以為戒乃是自警自惕若謂鑒於外間狼籍 曾子言獨知之地即是眾所共知其嚴如此胡可弗慎 以明獨之可畏有不容不致其慎者皆君子自警自惕 則日欺日偽至此不難所謂從惡若崩者固大可畏也 上節言小人自欺之惡不可揜益人心惟危一不致慎 語意與吾日三省章正同

之辭非謂小人獨處之時指視叢集備諸若境為君子

嵩縣耳 所憐憫也講家於上節說之不甚分明故於此節轉生

人不誠意則善不實有諸已不足謂之德矣必誠意乃

或疑故君子必誠其意似若計其功效而為之不知 為有德而身受其潤不枯悴也 心豈可不廣體豈可不胖至為切要有何所疑

文山可属 から 心有所忿懷四者未知所忿懷者屬於何事故以有所 所謂修身章 此木軒四書説

Б

言之如子所雅言下文詩書禮則正是所雅言之實也 金好口屋石量 懷等見之註言不能察此意在有所忽懷之下非謂有 亦可云雅言之所乎此於文義不得為無害也 若以所忿慢為方所之所云有忿慢之所恐懼之所則 無親愛之人乃為非辟則豈得言必無忿懷之事乃為 所即是不察也有所您懷與下章之其所親愛語勢一 有所然懷則不得其正謂人心之失其正必於有所然 例所親愛者謂人也所怠慢者亦謂事物也豈得言必

則上言心不得其正不言身不可修為無關於身矣 之修不修全繫乎心而欲修身者之先正心也決矣有 為此心之主宰視聽食息皆不知所以自檢以此見身 經旨也李安溪之說得之矣 不失其正乎是知然懷之病不關有所二字而病處乃 謂有所是有心之病不在則是無心之病者非也如此 心不在馬上言人心有所忿懷等則滯於一方而無以 在有所之時講家以為纔有忿懷之所便為心病者非 比木件四點兒

皆切喻也 修齊章同例 誠之事不須復言以傳文至此則為意既誠者言之耳 **懌修齊舉親愛賤惡五者仍是心之所發與正心章何** 非意既誠心既正而猶有此失也在於正修章則意不 有所总懷等及之其所親愛而辟馬之類是常人之病 所謂齊其家章

金丘匹库全書

心憶者忘饑心忿者忘寒又仰面貪看鳥回頭錯應人

愛五者則形於威儀動作之間不止空有其情而已故 别乎益忿懷四者但以心之用言不必有所事為而親 以此為身不修之事

吕氏春秋魯有惡者其父出而見商咄曰商咄不若吾 子之惡亦當以形貌言之如苗之碩了然在目也子之 身與物接之時最易忽略最要省察 子矣彼以至美不如至惡尤乎愛也按諺言人莫知其

大巴可巨人活

形貌醜惡父必不以為嫌此乃人之至情而惑弱之狀

此木軒四書說

金月四月全書 亦可見矣 舅犯曰節

亡人無以為實仁親以為實據檀弓是舅犯告晉公子 使之詞益失之矣 語及公子出答秦使不用此二語也令人乃以為答秦

不啻若自其口出

不啻抑何率爾若此

凡言不啻者不但如此也令人於情事不及遠者亦言

舉賢不先者好之不篤也退不善不遠者惡之不切也 王芳詔當以十九日親祠而昨出已見治道得雨當復 是其心有係各不能自割所以為未仁 CA. TOTAL LILLY 更治徒棄工夫據此則恐是人夫之夫而其後承用遂 工夫二字朱子集註亦有之不知夫字義云何按魏齊 切功課謂之工夫也未知是否 見賢而不能舉節 總註細論條目工夫句 此木軒四書說

中庸 多定匹库全書 天命之謂性章

書言上帝降夷於民左傳人受天地之中以生衷中同

義衷亦訓善益天地之中無不善者是即天命之謂性

有賭有聞皆心也此心寂然一物不交是為不睹聞之

時非閉目靜坐收視反聽之謂也 未有致中而不致和者未有和不致而可云致中者亦 而孟子之言性善所自來也

未有位而不育育而不位者雖是分配何嘗不一以貫 於其小知而好自用者其去舜也遠矣學聖人者必自 惟不自用之極而取諸人之盡斯以為舜之大知然則 虚其中始虚則明亦漸生若彼不審是非而惟衆情之 孔子云學易無大過者乃時中之謂也 子曰舜其大知也與章 君子而時中

といううという

此木軒四書號

金月四周全書 只在於淺近過言正至精至微之處舍此别求即非也 淺近之言其中非無至理舜亦必察而不遺耳非謂道 狗者亦是蔽於私見不能虚也 舜之執其兩端用其中於民也 家語孔子為司冠斷獄訟進衆議者而問之云云此即 若然大禹皐陶之陳謨不可謂之淺近舜及不察之乎 子曰人皆曰予知章

自謂予知而觸刑辟罹禍患不可謂之知然則自謂予

然夫子所言中庸不可能者正謂尋常日用之間平平 之不知也 離中庸之道傷性命之情即與納罟獲陷阱不殊而謂 辭爵禄亦是辭之善者蹈白刃亦是忠義之事非是全 兩種人一粗而易見一微而難知故比例而言耳非謂 知而能擇不能守其不得為知也與彼何以異乎自是 不當理但能辭能蹈而已雖三者合理即是中庸之事 子曰天下國家可均也章

17. 7 Int 1:11

此木軒四書説

之清伊尹之任柳下之和揆之中庸尚不能無間然豈 金好四月五十 况鑿坏咽李抉眼屠腸之輩而可得相為比似者 無奇自有不可能者在耳不必粘上三事為說也伯夷 其美故云然耳大舜顏淵豈非能中庸者乎者夫賢知 今無人及之性與天道不可得聞子貢既得聞矣深數 愚不肖非太過即不及故曰不可能也 不可能謂最不易至若論語言其愚不可及也非謂古 子路問强章

踐范蠡之徒鷙鳥甲伏一發而制人更不可當者也如 南方之强自是寬厚能容之人故曰君子之道非謂勾 子路學於聖人亦豈純是血氣用事者但其氣禀有偏 人也相去遠矣 馬便是勇不如顏子處 **畢竟血氣之剛有餘德義之勇不足其於仁也日月至** 此則其僭甚於談笑而起戈矛者矣何君子之能近乎 犯而不校不見可校真能容物也不報無道能忍已恕

大門可順 台南

此本軒四書説

<u>+</u>

金月正月石量 之强 之校計非謂忍於今發於後若范蠡等之所為也 南方風氣柔弱雖柔弱而含忍是人情所難故能忍者 直報怨之義則有過厚而不合者矣所以不得為君子 父母之讐不共戴天此等皆不報之也若此等不報聖 不報無道所謂忍過事堪喜者近之是後來亦不復與 人安得曰君子居之但其人雖是寬厚律以聖人言以 不報無道亦是可以無報者非謂如兄弟之雙不共國

勁能勝人者是剛勁之尤摧彼剛勁使不得加於我 為强若柔弱者皆能含忍則又何足為强北方大抵剛 欠百事 白色 夫婦之愚可以與知馬註言居室之間然中庸之意似 君子之道猶云聖人之道儒者之道也天地間只有這 箇是道此外皆道其所道耳 -塗而廢是他力量去不得了 君子之道費而隱章 君子遵道而行節 此木軒四書説 1

金好也仍为一 契者也 亦謂夫為倡婦為隨夫稍能義婦稍能順乃為與知與 響揣測之言然於中庸所謂莫載莫破者可謂若合符 其大無外其小無内二語見不韋春秋髙誘註云道在 與知而能行也 能乎此道耳固非特牝牡相合若鳥獸之孽尾便謂之 不專指此一事也且道者謂當然之理也即以居室言 大能大故無復有外在小能小故無復有內按此固影

牀 第之間而推極於覆載生成之大皆此道也此其理 夫婦天地舉兩端以包之說者以夫婦施化是天地之 固然然非中庸之本指也 小者天地化育是夫婦之大者一陰一陽端倪呈露於 人性皆善故無有不善耳謂言人不必言性者非也又 矣謂言人不必言道者非也猶孟子人無有不善正以 以人治人謂以其人之道治其人之身舍道則無可治 詩云伐柯伐柯節

次定日東台島

此木軒四書説

内者亦非也 金好也是人 以人治人專指對已之人而言謂已身亦人兼自治在

君子素其位而行章

素富貴四句益由易以至難夷狄患難皆自得則無不

可處之境矣然是二者富貴貧賤皆有之或富貴反為

難處而貧賤差易此又不可一例論也自君子處之則 無難無易惟務盡其道內省不疚死生禍福一以視之

蔡邕獨斷王仲任云君子無幸而有不幸小人有幸而

夫子自論射子思引言之意則主君子而言講者並謂 命也 而不得身敗名裂是乃小人之當然非不幸也非所謂 無不幸按此言甚善小人徼幸徼而得之是為幸也徼 明之豈是沾沾論射之道講者於此未之思與 為然不知夫子尋常言射有似君子者豈不是主君子 而言豈不以君子之道必當事事及求諸身而假射以 Ca. Trad Latin 君子之道辟如行遠章 此木軒四書説 1

若易者或父母自俯而從子未必真能順也 早通高遠以道言不以地言有何所疑世人見順父母 順父母非可易言視和妻子宜兄弟自當以高遠屬之 昔者長史嘗言相敬如實和之至也 邪瑟以塞欲必邪欲止而後和不然則流溫害於和也 琴統陽瑟統陰詩曰如鼓瑟琴喻陰陽和也又琴以禁 縁不認得註中一箇意字也 有謂父母不可說禹遠者是他將禹遠二字看然了亦

金丘匹厚全書

亡而已矣故曰如此夫如此夫者意不在於明思神引 言道至於思神疑若幽玄恍惚難知然其所以然者不 而不發也其後數章乃始宣暢厥旨而歸於尚絅閣然 不誠則盛德大業皆由此立不然則同於幻妄亦終必 此學道之本 誠而已中庸特指而言之以見體道者人心心無 子孫保之 天微之顯節 **比木軒四書說**

多定四庫全書 篇是加厚之義此句兼培覆者謂天之有厚有不厚也 猶有徵也 世此誠孝文盛徳之事而孔子稱舜子孫保之者於此 有為理弱之說者亦不盡然畢竟這箇理萬古不易大 俗說謂覆之亦是篤只作加字看謬甚 元魏孝文帝詔訪舜後獲東來郡民為尚之復其家軍 必因其材而篤焉 故大徳者必受命

葬以大夫祭以士於人情若有未慎者不知惟父大夫 **德必受命天何嘗辜負孔子來** CA. 7 5 12 12 15 所謂達上祀之禮於其下者也若使子為士矣而祭四 子士祭用士禮故父士而子大夫者祭得用大夫禮心 **壹戎衣謂武王自著之也所謂袀服也若周之將士則** 用兵固不止於一矣 葬以大夫祭以士 **壹戎衣而有天下** 此木軒四書説

周禮祀五帝太牢掌百官之誓戒與其具脩鄭云修歸 見也 知中庸修其祖廟即此掃除糞酒之事也非待屋面 除糞洒又宮人掌六寢之修守祧其廟有司修除之 然不易之則所謂罔違道以干百姓之譽者於此尤 以立身揚名推本所生者亦不見矣聖人制禮莫非 以大夫茍以狗人到子為大夫祭雖以大夫而人子 脩其祖廟

金月四月子言

壊而修治之 序事所以辨賢也

小則才能優劣具見矣賢謂能於其事辨賢之大小 助祭之士皆經澤官選擇而後任之以職事所任有上 辨其他行賢與不肖也然能於其事則他行之美亦可 以是而知之

此木軒四書説

熊毛熊字畧讀斷周禮司儀王熊則諸侯毛

紙毛

次巴马車台馬

金分口屋台書 哀公問政章

儀禮百名以上書於策不及百名書於方注名書文全 謂之字又注尚書三十字一簡之文服處注左氏云古 文篆書一簡八字按一簡字有多少如儀禮則不得及

百字也凡一簡之文大約多者百字以下乎無以考之

乎或以上截言人之敏政下截言政之自敏者非也涌 树中之浦盧也人存政舉之易豈但如敏樹之說而已 人之為道最善行政猶地之為道最善發生夫政也者

言政下以浦盧比文武之政者於文意亦未合也益本 有殺有等則禮從此而見故曰此禮之所由生也或以 かん ラー・ シュニュー 為等殺是禮之所生者夫等殺也禮也非二物也禮者 是一屋而説者横分作兩間耳 盧雖易生不得水土之氣其能自生否乎又以上截泛 所生者非也 天則等殺固生於禮矣但據此文意則謂等殺乃禮之 五性仁義禮智信三德知仁勇信只是實此仁義禮知 此木軒四書説

勇只是强此知仁不可别為一物故發强剛毅分明似 萬事之理萬人之治孰不本於人君之一身修身之效 謂義也若徒曰勇而已則如物之有四足者一足空而 勇之德然聖人之所以如此者自是當然之理是乃所 謂經言如此經是常義非方策之比豈得有文字也又 曰修身也此曰字與曰君臣也同是夫子指數之詞非 不實有欹傾之患矣 齊明盛服節亦是約署九經之事而言非方策本文

金定四庫全書

官盛任使益舉一事言之修身尊賢之主所以體親大 收不能之效故知不止是養其尊優之體而已 又有此四事也所當豫所當前定者皆謂誠也凡事不 言事行道與達道達德九經相表裏非道德九經之外 官威指其小者而言若鄉貳重職或至缺而不補若明 臣者自無不至若非官盛則於其大者必有所害無以 不可具舉故以道立言之 顯帝之世者古今豈多見也

CA. JO Last Athin

此木軒四書説

金月口屋子言 誠則出之口為言體之身為行措之天下為事為道皆 言事行道之所以為前定者其本一而已只是素裕乎 同同於先立其誠謂言事行道須前定明行者之一亦 備的道理到行事道又須各求所謂前定者則是有多 取足於此而無所不當若以言前定為從言上尋箇豫 誠者天道是性分固有誠之者人道言職分當為惟實 種豫而非所謂一矣 須前定者非也

理為天命之本然故誠之之實功為人事之當然若此 從容中道聖人也七字為一句然考家語云從容中道 理非性分固有則人何用誠之正使竭智畢力以求誠 亦外鑠而巳爾

理有淺深事有難易故或一或十或百或千也若云視 中五字耳 聖人之所以定體也是知原是兩句而記禮者刪下句

大下了事 主封 此木軒四書説

人質有優劣因而功有多少然則人皆一能已遂永不

言雖具非謂雖愚亦明況本不愚者雖柔亦强況本 雖愚必明雖柔必强正以愚柔者似無明强之可望故 通向謂此義不易今更思之聖人此語只是極言弗措 施干設遇百能之人又將萬之始成百倍於理似不可 為大得也學子善會之斯可矣 鉄鉄較量苦相駁難則以一十為質有優劣者於文意 柔者益不愚不柔之質則不須百倍不在果能此首之 必要其成乃已曰已百已千者中重致意之詞耳不須

金人と万人二

數矣 祥是吉立之先見者吉徵為祥若令人言祥瑞是也咎 至誠之道章

徵亦為祥如大蛇為竇氏之祥之類 為不善事大學雖有善者猶言能者如所謂何以善其 庸善不善必先知之猶云不淑以吉慶為善事內禍

道至於不可知不可思斯謂之神矣夫惟與凡人心路 此木軒四書説

次已四軍亡事

後今人以善者為善人失經指矣

溟涬黙相契合而已是聖心一神也故曰至誠如神 賴人之誠以自固而可不誠於人乎此可謂切近有用 事也言不誠即無所事矣匹夫不誠無復有事况王者 陸贄引中庸曰誠者物之終始不誠無物解之曰物者 隔絕故不可以凡心求聖人者無心而無不心也精微 之言也 故至誠無息 誠者物之終始節

金片口匠台量

必有所承也故至誠無息是也 鄭注曲禮曰發句言故按承上言故發句亦言故是不 日月星辰皆繋於天此句申說天之無窮所謂髙明是 今夫天節

也萬物覆焉乃言天之生物載振二句申說地之廣厚

即博厚是也萬物載焉則是地之生物日月星辰華嶽

欠到日本語

不假申說與上兩段異例草木生之及黿鼉以下皆言

此木軒四書説

河海即是天地之體非別為一物也山水之廣大不測

金分四月分書 細大 萬物覆馬者天以大氣覆育乎物物各資之以始無或 為生物之不測者又謬甚也一卷之石一勺之水亦有 所生驗之目前居然可見是知生生化化之機無間於 此既失之又欲將山水二段與上一例看以草木二句 縷故也或以日月星辰華嶽河海皆為天地所生之物 山水之生物比於天地反加詳者天地所覆載不可剛 **黿鼉至生焉句對日月河嶽不屬生物而專以末一句**

遺者是天之生物不測也非空空冒蓋其上而已 萬物覆馬覆是覆露乃天之所以生物所謂天道下 者物不得天覆則無以生非空空冒蓋而已 發育萬物峻極于天此謂陰陽五行化育流行之道非 聖人之所為也待其人而後行乃是聖人之事參贊位 育是也三百三千固是聖人之制然亦是言此道細入 ていて 無間見於禮儀威儀之間者本如此耳大哉聖人之道 大哉聖人之道章 211F 此木軒四書説

多好四月全書 待其人而後行唯此道必待聖人而後行故君子之學 默足以容則其默皆合於道世固有默而不見容者又 默足以容默對上言字孔子所謂言孫亦是默也曰其 此求至於聖人而後已非謂待此修德凝道之君子也 以聖人統此道之全體而名之耳 大哉聖人之道侍其人而後行緊相應無預照君子之 有緘黙的免以為容者惟君子則其默足以容非謂黙 理

便足容也 偶舉此詩以證其默足容者由夫明哲順理而行非私

智茍免之比而上下治亂無徃不宜亦自可知末句是

黙足以容之謂非德修道凝之謂也 **今天下節**

威倫序雖盛世不可使之皆同中庸言今天下車同軌 之國按外夷非天子諸侯所治之地車軌書文以至等 左傳天子七月而葬同軌畢至注云言同軌以别四夷

大門の同人は

此木軒四書説

武不可遺一故以禹湯文武為三王耳 諸處皆言文王然則三王者或數文王或稱武王以文 云云正謂中國耳 金月四月白雪 風俗通言夏禹殷湯周武王是三王也又引書詩春秋 考諸三王而不謬

於天下者也謂之蚤者正以其不如此而言之耳有以

君子必如此而能有譽於天下未有不如此而蚤有譽

詩曰在彼無惡節

道理 得那邊又生出許多了雖有消息盈虚却沒有相害底 小魚如此則為害矣若小小吞噬豈足言害纔被他吞 害非搏噬之謂譬如海中生了一個大魚便不容更生 **承譽為正説者非文意也** CA. T. 1111 庸所謂至聖至誠皆指仲尼説 唯天下至聖節 萬物並育而不相害 比木肝四害说

動定匹庫全書 叠下四字形容他仁處真見得至聖之仁有說不盡底 言文理密察只是四德之一須看得分明 聰明唇知即所謂唇作聖聖通明也故註以生知之質 好處 闇然而日章誠之不可掩也的然而日亡不誠無物也 故君子誠之為貴存尚絅之心篤實自修不求人知此 詩曰衣錦尚絅章

路耳 聖門如子貢子張孔子猶屢箴儆之正為此也若夫邪 尚錦便是小人之道這箇小人亦不是無學問底但其 偽之小人則更不足道矣 然揭露於外至於聲聞過情者其究不免為小人之歸 只是真見得吾性本善决不可做了小人竦然生畏雖! 用心不務誠實未免有夸耀之意到底不可入聖賢一 小人之道的然日亡此為學者言耳凡不務實而皎皎 比大汗四書見 Ť

 欽定匹庫全書 功耳 譬如唐平淮西全由憲宗之能斷至如李光顏李朔等 篇恭而天下平是言天下所以平者其根原全在德也 戰功自是少不得但君心不斷雖有此諸人亦不能成 畢竟先存得箇為已之心方可去學不然雖做許多工 欲不學而不能這便是為已之心 夫胷中依舊不是錦也 此木軒四書説卷